

DISCOVER

(Bible Ralchhan)

Zirlai - 21
A Tam Zâwk An Dik Lo Thei
Ang Em?

Kawhhmuhna 16-naah khân Sabbathni serhna hi tunlai rilru hah taka nunna (khawsakna) chhawktu pawimawh tak a nih thu kan sawi tawh a. Pathian chuan kan mamawh tinte hi a hriat avângin kârtina nisarihna chu kan taksa hahchawlh nân leh kan

thlarau lam tihharhna atân a ruat a ni. Niruk chhônga kan khawvêl hi a siam zawh hnuin, ni sarihnâah chuan a chawl a, chu nî chu mal a sâwm a, a tithianghlim a ni. (Genesis 2:1-3 Tithianghlim chu serh hrang emaw thianghlim taka hman tûra dah hran pawh a tih theih a ni.)

Thupek sawm chu ami, Israel te hnêna Pathianin a pêk khân, Sabbathni serh thu chu thupek sawm laiah a dah a. (Exodus 20:8-11). Thupek sawmah chuan Sabbathni hi thilsiam chungchônga Pathian thiltihtheihna chhinchhiah (hriatreng) na, chu mi atâna kartin ni khat chawla, a thilsiamte mawizia leh ropui ziate ngaihtuah nân, hahchawlh nân leh min Siamtu nêna inpâwlna nî, amah nêna kan inzawmna Chiang zâwka kan dapchhuah theihna tûra kan hman tûr nî chu a ni.

Mihring anga he khawvêla a awm lai khân Isua pawhin Sabbathni hi a serh a. (Luka 4:16). Tin, Kristiante tâna malsâwmna ni atân a ruat a ni. (Marka 2:27,28). Isua thawhle hnu khân a zirtîrte pawhin Sabbath ni hi Pathian biak nân an hmang zui zêl a ni tih Bible châng tam takin a tilang a ni. (TT 13:14;16:13;17:2,18:1-4,11).

1. ZAWHNA RILRU TIBUAI

Hei hi mi tam takin chhân har an tih chu a ni. Engnge maw chhông khân khawvêla Kristiante hian ni hnih an serh thîn a. A pakhatâh chuan Kristian zawng zawng deuh thaw hian Sunday, kâr khata ni hmasaber hi, Krista thawhle hna hriatreng nâna ngaiin rinawm takin an serh a. Chutiang baw chuan leh lamah Kristian tam takte chuan Bible chuan kâr khata nisarihna nî chauh hi chawlhnia a ruat chu a ni a. Bibleah hian vawikhat mah

Pathianni (Sunday) hi a tihthianghlimna a chuang lo an ti ve thung a ni.

Engpawh nise, engni pawh hi chawlhni (Sabbath ni) atân serh ta ila a danglam lem em ni? Rinawm tak leh tihtakzeta thudik zawngtu kan nih avângin, “Isuan engtin nge a ngaih? Eng nge Isua chuan ti tûra mi duh? A hrim hrimah Pathian thu aţanga chianna leh Pathianin tih tûra a lo sawina te a awm chuan chu chu zawm ngei kan duh theuh ang. Hei hi kawng a nih hi, tah hian kal rawh,” Isaia 30:21 chuan a ti a ni.

He mi chungchânga thu tlûkna kan siam hmain thil tam tak ngaihtuah hmasak tûr kan nei a ni. Tu hian nge Chawlhni (Sabbath ni) kâr khata nisarihna hi Pathianni (Sunday) kâr khata ni khatnaah sawn tum ta mai? Chutianga thlakthleng tumna chu Bible hian phalna a pe em? A pek si loh chuan, Pathianin emaw, Kristain emaw a nih loh leh a zirtîrte khân an lo thlâk ta mai em ni?

Hêng zawng zawngte hi i han chhui chiang teh ang.

2. CHAWLHNI CHU PATHIANIN A THLAK EM?

Pathian hnên aţangin Sabbathni hi kârkhata ni sarinhna aţanga nikhat nîa thlâkna a awm rêng em? Kristian tam ber te hian Thupek sawmte hi kan nun kaihhruaina dinglaih an pawm a ni. Tin, he thupêkte hi Pathian chuan Mosia leh ami, Israelte tân Sinai tlânga a pêk a ni. Chuvângin Mosia chuan heti hian Israel fate chu a hrilh a.


“Hêng thute hi tlângah meite, chhûm te, thim chhah mup aţangtein LALPAN aw ring takin in zavaia punghâwmho hnênah a sawi a, a belhchhah

leh chuang lova. Chung chu lungphêk pahnihah a ziak a, min pe a.” Deuteronomy 5:22.

Thupek sawmte chauh hi Pathian ngeiin mihringte tâna a ziak a ni. An pawimawh khawp mai. A kut zungtang ngeiin lungphêkah a ziak a ni. (Ex 31:18).

Thupek sawm palinaah chuan Pathianin hetiang hian kaihhruaina min pe a.

Sabbathni hi thianghlim taka serh tûr a ni tih hrereng rawh. Ni ruk chhûngin i thawk tûr a ni a, i hna zawng zawng chu i thawk tûr a ni, a ni sarh nê erawh chu LALPA i Pathian tân Sabbathni a ni e; chu mi nê chuan hna rêng rêng i thawk tur a ni lo, nang pawhin, i fapa pawhin, i fanu pawhin, i bâwih pa pawhin, i bâwihnu pawhin, i ran pawhin, i ina hnam dang pawhin; ni ruk chhûngin LALPAN lei leh vânte, tuifinriat leh a chhûnga awm zawng zawngte chu a siam a, tin, a ni sarh nê chuan a lo chawl ta si a. Chuvângin LALPAN Sabbathni chu mal a sâwm a, a ti thianghlim ta a ni.” Ex 20:8-11.



Pathianin khawvêl a siam khân chunglam thil pathum in a nisarihna nî chu LALPA Sabbathni atân a dah hrang a. Chung thiltihte chu (i) “A nisarihna ni chuan a hna zawnng zawnng chu chawlhsan a.” (2) “Sabbathni chu mal a sâwm a.” (3) “A tithianghlim a.” (Gen 3:1-3). Tin, Sinai tlânga Thupek sawmte a pêk khân, he thu bawk hi Pathian chuan a sawi nawn leh a ni.

Pathianin a mite hnêna Thupek sawmte a pêk chuan, a hmun thianghlim ațanga a sawi chu tuman an tidanglamin an tițha tûr a ni lo tih Chiang takin a hrilh a.

“LALPA in Pathian thu pêk ka pêk che u hi in pawm theihna tûrin, thu ka pêk che u hi in belhchhah tûr a ni lova, in tikiam tûr a ni hek lo.” Deut. 4:2.

Amah Pathian ngei chuan a thupêkte chu tidanglam lo tûrin a tiam a ni. Deut 4:2.

Ka thuthlung chu ka bawhchhe lo vang a, “Ka hmuia Thu chhuak chu ka tidanglam hek lo vang.” Sâm 89:34.

Bible chuan Pathianin Chanchin hi kêr khata nisarihna ațangin nikhatnaah a thlakthleng lo tih hi a Chiang a ni.

3. ISUAN SABBATHNI HI A THLAKTHLENG EM?

Isuan min hrilh dânin Thupek sawmte leh Thuthlung Hlui hun laia zirtîrna thu dikte chu tihdanglam loh tûr leh amah zuitute kaihhruaina tûr an ni.

Dân thu emaw zâwlneite thu emaw tiboral tûra lokal ka nih ring suh u; tiboral tûra lo kal ka ni lova, tifamkim tûra lo kal ka ni zâwk. Tihtak meuhvin ka hrilh a che u, lei leh vân hi a boral hma

loh chuan dân thu a mi chhunhan tê taktê emaw, thai han tê tak tê emaw, pakhat mah a boral tawp lovang, a zaa a thlenkim hma loh zawng. Chutichuan tupawh, hêng thupêk têber zîngah hian pakhat pawh bawhchhia a, chutiang tive tûra mite zirtîr apiang chu, vânramah chuan mi tê ber an ti ang; amaherawh chu tupawh zâwma zirtîr ve apiang chu vânramah chuan milian an ti ang.” Mat 5:17-19.

Isua chuan rinawm tak leh zah takin Sabbathni hi a serh thîn a. Ani chu Sabbathni serh chungchânga kan entawn tûr a ni.

“Tin, a seilenna khua Nazaret chu a lo thleng a, tin, Sabbathnia a tihdan pangngaiin inkhâwmna inah a lut a, chhiar tûrin a ding a.” Luka 4:16.

Nakin hun tûrte thlîrin Isua chuan azirtîrte chu Sabbathni dik tak a serh azâra lâwmna (malsâwmna) te chu dawng zêl tûrin a duh a. Chuvângin Jerusalem hual a nih avânga an tlanhhiatna nî chu Sabbathni a nih lohna tûra ãawngtâi tûrin a hrih a ni.

“Tin, intlan bo hun tûr chu thlasikah emaw Sabbath nîah emaw a lo thlen loh nân ãawngtâi rawh u,” a ti a ni. Mat 24:20.

Hetah hian Isua chua AD 70-a Jerusalem tihchhiat tûr thu a sawi a hei hi a thawhleh aţanga kum 40 dâwn lai hnuah a ni. Chu mi thleng pawh chuan Isua chuan Sabbathni serhna thupêk leh thu pêk dangte chu a la thlâk miah lova, tun thleng pawh hian a la thlâk chuang lo. Chutih a hnekin tlangval rorêltu pawh kha Thupêkte chu zâwm tûrin a hrih anih kha. (Mat. 19:16-22). Chuvângin Isua zirtîrna aţang leh amah kan entawwna tûr aţangte hian Sabbathni serhna chu a la tûl a ni. Chawlhna leh Pathian nêna hun hman dunna hi.

4. A ZIRTIRTE KHAN SABBATH NI HI AN THLAK EM?

Ringtu hmasate zînga an hruaitu, Jakoba chuan Thupek sawmte chungchâng hetiang hian a ziaak a.

Tupawhin dân zâwm kim mahsela kawngkhata a tihsual si chuan a zaa chungah thiam loh changin a awm tawh a ni. “Uire suh” titu chuan “tual that suh,” a ti bawk si a. Chutichuan uire lo mah la tual i thah si chuan dân bawhchhetu i ni rêng rêng tawh a ni.” Jakoba 2:10,11.

Luka, Doctor leh Tirhkoh ni bawk pawhin he ti hian a sawi.

“Tin, Sabbath niin kulh kawngkhar pâwn lamah luikamah tawngtâina hmun nia kan rinah chuan kan kal a, tin, kan thu a, hmeichhe lo kal khâwm hote hnênah chuan thu kan sawi a. TT 16:13.

Gentailte hnêna tirhkoh, Paula, Thuthlung Thara tam tak ziaaktu pawhin, khawi hmunah emaw ni sarihna nî thu hetiangin a sawi asin.

“Tin, ni sarihna nîah chuan Pathian chuan a hnathawh zawng zawng a chawlhsan ta a,” tiin ... Chutichuan Pathian mite tân chawlhnia chawlhna ala awm ta fo va. Heb 4:4,9.

Thuthlung Thara Tirhkohte Thiltih chuan Isua thawhlele ațanga kum 14-ah daih tawh pawh Sabbathni an la serh zêl thu vawi 84 a sawi a, chungte chu :

Tirhkohte 13:14,42,44

Antiokeiah vawi 2

Tirhkohte 16:3

Philippi ah vawi 1

Tirhkohte 17:2

Thesalonikaah vawi 3

Tirhkohte 18:4,11

Korinthah vawi 78

A zirtîrte zînga dam rei ber, Johana chuan Bible-a lehkhabu pangâte hi a ziak a, chungte chu Chancin T̄ha, lehkhathawn 3, leh hrilhlawkna bu Thupuan. Tin, Isua thawhle aṅanga kum 70 hnu AD 100-velah a thi a. Hetah hian thil mak tak a awm a, chu chu a lehkhia ziak zawng zawngah hian Sabbathni hi kâr khata ni sarihna nî aṅanga ni khatna (Sabbath) nîa thlâk a nih thu a sawi miah lo. Chu a hnehin amah chu Sabbathni serhtu a ni, a ziakah pawh.

“Lalpa nîah chuan Thalrauin ka awm a,” a ti a ni. Thupuan 1:10.

Isua min hrilh dânin, **Amah chu Chawlhni (Sabbath) Lal a ni. Mat 12:8.**

Chîk taka Pathian thu chhuina aṅang chuan a zirtîrte khân Pathian chawlhni chu kâr khata ni sarihna nî aṅangin nikhatnaah an thlâk lo tih hriat a ni. Thuthlung Thar hian kâr khata ni hmasa ber (nisarihni hmasa ber) hi vawi riat chauh a sawi a. Hêngah hian he ni hi ni thianghlina a sawina vawikhatmah a awm lova, tin, ni thianghlim leh Pathian biakna ni bîk atâna ruat hran tûra sawi thawina pawh a awm lo. He ni hming (Sunday) a lo lan chhan ni a lang hmun riatte hi uluk taka fiahna aṅangin hêngte hi a chhante chu an ni.

1. Nisarihni hmasa berah hian hmeichhiate chu thlânah an lo kal a. Mat 20:1.
2. Sabbathni a lo ral chuan hmeichhiate chuan an hna chu an thawk ta a, chu chu nisarihni hmasa berah (Sundayah) chuan an hna chu an thawk ṅan ta tihna a ni. Marka 16:1,2.
3. Isua chu nisarihni hmasa berah, zîng takah Mari Magdalini hnênah a inlar hmasa ber a. Marka 16:9.

4. Isua zuitute chuan an nitin hnathawh pangngai an thawk tan leh Luka 24:1.
5. Mari chu nisarihni hmasa ber nî chuan Thlânah a kal a, thlân chu a ruakin a hmu a. Joh 20:1.
6. Inkhâwm ni lovin Judate hlahv avângin a zirtîrte chu nisarihni hmasa berah chuan an awm khâwm a. Johana 20:19.
7. Paula chuan Kohhran memberte chu nisarihni hmasa ber chuan an thawhlawm te chu Jerusalema mi retheite tanpuina tûra dah hrang tûrin a hrilh a. Mahse hetah hian Pathian biao inkhâwm thu engmah a sawi lo. 1 Kor 16:1,2.
8. Tirhkohte 20:7-ah chuan Lukan nisarihni hmasa bera Paulan in thlahnaa thu a sawi thu min hrilh a. Hei hi thil danglam tak a ni lo, hetih hun lai hian Paula chuan nitin Pathian thu a hril thîn a, a zirtîrte pawhin nitin chhang an phel bawk. TT.2:46.

Hênga Pathian Thu châng te pakhatmah hian zirtîrte chuan Sabbathni serhna chu an bân tih an sawi lo. Zirtîrte hian Sabbathni chu nisarihna nî aţanga ni sarihni hmasabera sawn thu rêng rêng an sawi bawk lo. Thuthlung Tharah hian Sabbathni chu Inrinni (Saturday) aţanga Pathianni (Sunday) nisarihni hmasaberah sawnna a awm lo. Mihringte thlâk chawpna hi chu Isua leh a zirtîrte hnu daihah a ni a, chu chu hre tûrin engtikah nge tih leh eng ang meuhvin nge he thil hi a lo thlen tih chu khawvêl chanchin lamah i thlîr teh ang.

5. KHAWI ATANGIN NGE SUNDAY HI A LO CHHUAH?

A zirtîrte khân Kristian thenkhatte chu Thuthlung Thar Kristian zirtîrna aţangin an la peng bo dâwn a ni tih

chiang takin min hrilh a. Chuvângin Paula chuan.

“Ka kal hnuin chinghne kawlhthe in zîngah an lo lut ang a., pâwlho chu a zuah lovang tih ka hria e. In zînga mi ngei pawh hi zirtîrhote in (an) hnêna pakai tîr tûrin thu hran sawi in la awm ang.” Chuvângin ngaih ven rawh u,” tiin a sawi a ni. TT 20:29-31.

Chu tak chu tuna thil thleng ta chu a ni. Chanchin lam ziaktu rintlâk tak tak te chuan a zirtîrte hun laia a thu rin thianghlim tak aţanga kohhrante chu an kal sual ţan dânte an ziak a. Pi pute thu rochhiah leh rin dân hrang hrang, Paula te, Petera te leh kohhran dintuten an pawm ngai lohte chu kohhranah chuan an lo lut ţan ta a ni.

“Hotê aţanga inţanin, kohhran chuan Puithiam neiin rawngbâwl dân chipchiar tak a nei ta a. Heta ţang hian Kristian leh inti changkang, ringlo mite ngaihdân chu hun lo kal zêlah chuan an in hnaih hrat hrat a. Lui hrang hrang in finkhâwm ang deuh hian an in zawm ve ta hret hret zêl a ni,”“ tiin a lehkhabu, An Introduction to the History of Western Europe, Phêk 31-ah chuan JH Robinson-a chuan a ziak a ni.

Amaherawh chu Kristiante chuan chawlhkâr tâwp a nisarihna Sabbath ni serh chu bâna Pathianni (nisarihni hmasaber) chu “Lalpa ni tia serh thut an ni lo. Pathianni serhna hriat chian theihna hmasa ber chu Italy ramah kum zabi hnihna lai bâwrah khân a lo inţan a ni. Chu mi hnu rei takah pawh Kristiante chuan Sabbath ni leh Sunday ni chu an serh kawp a, ţhenkhat erawh chuan Sabbath ni chauh an serh thung a.

March 7, AD 321 khân Constantine Ropuia chuan Sorkâr aţangin Pathianni (Sunday) serhna dân hmasa ber

chu a siam ta a, chu chuan Rom ram awmchhônga loneitute tih loh, mi dang zawng zawng chu Sunday ni serh tûrin a tilui ta a ni. He dân leh a dang pangâ Sunday ni serh chungchônga Constantine-an dân a lo siam hian tun thlenga Pathianni serh chungchônga dân a siamte hi arawn hring ta zêl a ni. Kum zabi linaah khân Laodikei khâwmpui chuan Kristianten Sabbath nâ an hnatawh an chawlhsanna chu a lo khap ta a. A theih phawt chuan Sunday ni chu Lalpa nî anga zah tûrin a ngen ta a ni.

Chanchin ziajna aţang chuan Sunday ngaihsanna leh Pathian biak nâna serh hi mihringte siam chawp a ni. Nisarihna Sabbath hi thupêk palina aţanga tibo tûrin Bible in tumah thuneihna a pe lo. Thuthlung Hlui hun laia zâwlnei Daniela chuan Kristiante hun lai hian mi bum hmang thuneihna lo chhuakin Pathian dân thlâk at um tûr thu min hrilh a ni.

6. TUNGE A THLAKNA CHU SIAM?

Tu ber hi nge Thuneihna nêen meuh Chanchin hi nisarihna aţanga nisarihni hmasabera thlâk tûra mawh phurtu ber hi? Catholic kohhran chuan a bultumtuah an in ngai a ni. Rom ram chhe tûr chhanchhuah nân, Kohhran a mi pawimawhte chuan Inrinni (Sabbath ni) a Pathian biakna chu Sunday nâ thlâk an rawt ta a. An kohhran Thuinchhông bu chuan heti hian a sawi a ni.

Zawhna : Eng ni chiah hi nge Chawlhni hi?

Chhâanna : Inrinni hi chawlhni chu a ni.

Zawhna : Engvangin nge Pathianni (Sunday) hi Sabbathni aia kan serh?

Chhâanna : Pathianni hi Inrinni aia kan serh, a chhan chu Catholic kohhran hian Inrinni pawimawhna chu

Sundayah a thlâk tak avângin Peter Geiermann, The Convert's Catechism of Catholic Doctrine (1957 Edition) p.50.

An chanchinbu, Catholic Mirror of September, 23,1893 chuan heti hian a sawi.

“Catholic kohhran chuan Pathian rawng a bâwlna hmangin chawlhni (Sunday) chu Inrinni aţangin Pathiannâh Protestant hote an lo chhuah hma kum 1000 aia hmâah khân a thlâk a ni,” tiin.

Hetah hian Roman Catholic hotute aţanga thu pawimawh pahnih dang an lo awm, chungte chu, “Bible hi Genesis aţanga Thupuan thlengin chhiar mah ula, tlar khatte pawh Pathianni chu a thianghlim a ni tih sawitu pakhat mah in hmu lovang. Pathian thu chuan Sabbathni chu sakhaw thila serh tûr a nih thu a sawi. (mahse) he nî hi kan tithianghlim lo.” James Cardinal Gibbon, the Faith of Our Fathers. P. 89.

Kan Lalpa thawhlehna nî chu hriatreng nân Roman Catholic kohhran chuan Isua thuin he chawlhna (inrinni) hi Pathiannâh a thlâk (transfer) ta a ni. Chuvâng chuan Protestant hoten Pathianni an serhna chu, Roman Catholic kohhran chu do inti si a an ngaihsân zia entîrna a ni,” an ti. Msgr Louis Gaston De Sagur, Plain Talk About Prortestantism of Today, P. 225.

Hei aia Chiang hi a awm thei lo. Catholic kohhran chuan ual au takin kohhran hotu mihringten an thlâk ngei a nih thu an sawi mai a ni.

7. PROTESTANT KOHHRANTE CHUAN ENNGE AN SAWI VE TAK LE?

Kohhran aiawha an rindân tlângpuite an ziaknaah chuan Protestant pâwlte pawhin Bible hian Pathianni

serhna tûr thupêk pakhat mah a siam lo tih an pawm vek a ni.

Lutheran Kohhran dintu, Martin Luthera pawhin, Augsburg Confession, Article 28, paragraph 9-ah chuan “Roman Catholic kohhrante hian Chawlhni chu Pathianni Lalpa nîa an lo thlâk ringawt hian thusâwm pêkte a dova, chawlhni thlâkna tluka entîrna Chiang chapothlâk hi awm chuang lo. Thupek sawmte zînga pakhat a tih danglam (paih) theih avâng hian kohhran thiltihtheihna leh thuneihna chu a ropui a ni, an ti a ni,” tiin.

Methodist pâwla Pathian thu thiam, Amos Binny leh Daniel Steel te chuan,

“Nausêntê baptisma chantîrna tûra thupêk chu a awm lova...nisarihni hmasa ber thianghlim taka serhna tûr thu pawh a awm lo,” tiin. Theological compend (New York : Methodist Book Concer, 1900) pp 180,181-ah chuan an ziak a ni.

Dr.N.Summerbell, Krista zirtîrte emaw Kristian kohhran tih chanchin ziaktu chuan:

Roman Catholic kohhran chu a diklo hulhual a ni... Thupêk palîna chu Pathian sawi ngei chawlhni tibova, Pathianni chu ni thianghlima siamin a tiletling a ni,” a ti. (True History of the Christian & Christian Chruches p. 417,418). Protestant kohhran chanchin ziaktu ropui tak pawhin, “kum dangte ang bawkin Pathianni a kût nî hi mihringte siam chawp a ni a, a zirtîrte chuan he nî atân hian engmah chunglam aţanga thupêk an hmu lo, atîra a zirtîrte aţang pawh khân chawlhni dân chu Sunday nîa thlâkna tûr an nei bawh hek lo. Amaherawhchu kum zabi hnihna tâwp lamah khân hetianga thil diklo tihna hi a lo awm ţan ta pawh a ni ta ve ang; chutih laia mite chuan

Sunday n̄a hnathawh chu sualah an ngai tlat a ni.” Dr. Augustus Neender, *The History of the Christian Religion and Church During the Three First Centuries* (Rose translation) P. 186

8. A PAWIMAWH BER ENNGE NI TA?

Hei hian hmun leh hmunah zawhna arawn siam ta a ni. Engvângin nge Kristian tam takte hian Bible thupêk lova Sunday ni an serh? Chu ai maha pawimawh te chu a engni ber chu nge kan serh tak? Tih hi a ni. Mi ðenkhat, “Nisarih zînga a eng n̄i pawh hi ka serh chuan engmah a danglamna (pawina) ka hre lo,” titute hi ka zui ve mai dawn em ni? Nge Sunday n̄i, Thupek sawmtea, “A nisarihna hi Sabbath ni chu a ni,” a tih hi ka ngai pawimawh ang?

Hetah hian p̄awn lama kan ni serh mai bak hi kan sawi a ni. A eng ni ber hi nge Bible aţanga serh t̄ur a tih chu? A pawimawh ber chu Isua thu zawm hi a ni. Hei hian kan inpêkna pumpui a huam a ni. Tu thu nge ka âwih ang? Ka ni serh t̄ur chungchângah hian Krista Pathian Fapa thu nge ka zawm anga mihringte zirtîrna?

Pathian chu mi nawrlui chi a ni lo. A thilsiam aţangte leh Thupek sawmtea aţang hi chuan, Kâr khata nisarihna hi chawln̄a hmang t̄ura min tihna chhan an awm a ni. (Gen 2:1-3, Ex 20:8-11). Amah ngei chu a thiltihtheihzia chhinchhiah (hriatreng) n̄an a hmang (ruat) a ni. Min Siamtu chuan Sabbath ni chu ni thianghlimah a dah hrang a, kan chhûngte n̄ena amah kan p̄awl n̄an leh chakna kan dawn a kan intihtharna n̄i at̄an a ruat a ni.

Mi ðenkhat chuan hei hi, “Nitin ka serh ðîn,” tiin an chhâng a. Kar khata nitin hian Lalpa chu kan thinglungin kan fak t̄ur chu a ni tehmeuh mai. Chutichung chuan Pathian chuan a b̄ik at̄an ni khat hi a ruat tlat a ni.

Kâr khata a ni sarihna chu a tithianglim a. Chawlhni hian mak takin kan hnênah a lo hnai thîn, he nî hi a bîka a awmpuinain mal a sâwm a, chuvângin nilenga atâna serh tûrin min ti a ni.

Tlang takin i han sawi ho teh ang. Bible-ah hian Pathianni serhna tûr chhan sawina a awm lo. Hei hian kan thupui chu a tichiang hle. Engni hi nge Pathian biak nân kan hman ang tih hian a tidanglam khawp mai. Kan thlan tûr pawh a Chiang; chu chu mihringte zirtîrna nge Pathian thupêk, mihringte ruat chawp nge chunglam thupêk?

Zâwlnei Daniela chuan hmanlai kohhran chuan hun leh dânte thlâk a rawn tum dân tûrah vaukhâna min pe a. (Daniela 7:25). Pathian chuan a mite chu a thu âwih tûrin a ko lêt a, Sabbath ni chu a chung a rinawmna leh hmangaihna entîr nâna serh tûrin min sâwm a ni.

Isua chuan a thupêkte zawm duh khawpa amah hmangaih tute hnênah chuan hlimna famkim a tiam ve a ni.

“Pain min hmangaih ang bawkin kei pawhin ka hmangaih che u hi; ka hmangaihin awm reng rawh u. Nangnin ka thupêkte in zawm chuan ka hmangaihin in awm reng ang; keiin Pa thupêkte ka zawma a hmangaihin ka awm reng nân leh, in lâwm a kim nân, hêng thu hi in hnênah ka sawi hi.” Johana 15:9-11.

Chhandamtu ropui tak kan nei a, A hmangaihna chu a puma dawng tûrin min duh a, a thuâwih duhna rilru chuan chu hmangaihna kawngka chu zau takin a hawng a, Gethsemani huanah khân Krista pawh khân a tuar tûr leh khawvêl sualnate chuan a nun a tuam lai khân a Pa hnênah a inkawltîr a, “He no hi ka hnên ata la sawn rawh,” tia ring taka auvin a dilnaah chuan a innghat a, “Nimahsela keia thu ni lovin nangma thu ni zâwk rawh se,” tiin a belh leh a ni. Marka 14:36.

Krista chuan inpumpêkna dik ațanga a famkimna rah chu nei tûrin min duh a. Chutiang bawkin Chawlhnia serhna malsâwmna pawh nei tûrin min duh a ni. Kan nun kawng tinrêngah hian amah chu ring ngam tûrin min duh a. Pathian sâwmna chu chhânga nisarihna chu Sabbath nia i serh chuan, Krista lâwmna chu nangmahah awmin, i lâwmna pawh a famkim dâwn a ni. (Johana 15:11).

“Sabbath ni dik ka serh tak ațang hian, nasa taka lâwmna chuan ka nun a rawn tikhat a, nasa taka lâwmna pawh ka chhungriah a luang lut a, ka kianga awm reng hriat chian tâwkna chuan ka thinlung a tikhat a, Isua duhzâwng zawmna chuan ka nun a tidanglam a ni,” tia sawitu thusawi hi Sabbath ni serhtu tam tak hian dik an ti a ni. Sabbath ni serh duhawmzia hi i hmuchhuak tawh em?

Thenkhatten Pathian thu zawma, Sabbathni an han serh řan chiah hian, engin emaw a tlâkbuak tih pawhin an in chhûngkhurah harsatna a thleng řhîn. Mahse Krista chuan hêng harsatnate chinfelna tûra khawngaihna leh zahngaihna a pe ang che. A kawng chu a awlai lo mai thei, mahse Isua chuan hnehtheihna chakna Kristian nun hausa zâwk a pe ang che. A thutiamte chu a hlen ang a, a awmpuina lang thei lo chuan a awm pui ang che a, i lâwmna pawh a kim dâwn a ni.

“Kan Pa vâna mi; Chatuan nunna mi pe tûra i thihna avângin lâwm thu ka hrilh a che. Ka Kristianna kawnga mi kaihruaitu i Thu avângin lâwm thu ka hrilh a che. Ka hnêna Chawlhni thu dik i puan avângin i chungah ka lâwm e. I chungah rinawm fo tûr leh ka thinlunga rinawm tûrin min pui la. I lama ding reng tûrin min pui rawh. Harsatna ka neih apiangin Isua chu ka bula awm tûr leh a duh ang nung tûra mi pui tûrin rawn tîr la, hêngte hi a hming ropui takin ka dil e. Amen.

Published by: Mizo Conference of Seventh-day Adventists, Seventh-day Tlâng,
P.O. Box 97, Aizawl 796 001, Mizoram

DISCOVER - BIBLE RÂLCHHÂN